

Universitätsbibliothek Paderborn

**Bibliotheca Scriptorvm Sacri Ordinis Cisterciensis Elogiis
Plvrimorvm Maxime Illvstrivm Adornata**

Visch, Charles de

Coloniæ Agrippinæ, 1656

Author.

urn:nbn:de:hbz:466:1-38433

rerum opifice actionis virtutem habet, propter finem, &c. Prodierunt Parisijs anno 1511. apud Magistrum Bertholdum Rembolt, & Ioannem Waterloes. Obiit autem Ioannes noster, anno 1522.

Ex bibliotheca Philippi Seguini.

Ioannes Caramuel Lobkowitz, anno 1606. nobilis apud Hispanos familia, Madriti natus, religiosa tamen professione Belgæ, monachus cœnobij nostri de Dunis: Iuuenis adhuc (in Hispania) Tabulas motuum caelestium, & Ephemerides composuit.

Addidit & librum, cui epigraphe: *Mundus idem, non idem: in quo demonstrat, posse terram, imo & simpulos planetas quiescere, omnibus phænomenis atque mensuris conseruatis. Scriptus &*

Franiam recti lineam, planetas crucifigit; demonstrat eos non circulos, sed rectas orthogonales describere suis proprijs motibus.

His omnibus in Hispania editis, Belgium dum lustrat, Ioannem mox Trithemium Spanheimensem Antistitem, à Nicromantia nota (velit nolit Zoilus) demonstratiè vindicat, editis (ex Alnensis monasterii Bibliotheca) eiusdem Stenographicis libris, vñà cum clavis, seu regulis, quibus coniurationum mysteria in ijs contenta, commode resevari possunt. In concionibus tantò pollet efficacia, ut quam primum Emanuel Portugallia Princeps, ac paulò post Serenissimus Ferdinandus Hispaniarum Infans, ac Belgij Gubernator, à sacris illum sibi voluerit esse concionibus. Verum ille, aulicorum vita, quietem monasticæ solitudinis præferens, Dunense accedens cœnobium (Brugis recenter translatum, piaque monachorum conuersatione celeberrimum, monastica ibidem vota sua, Cisterciensium more, firmauit.

Vnde Louanium directus, ingenij ac eruditio- nis suæ tale ibidem specimen edidit, ut anno

1638. cum totius Vniuersitatis applausu, S. Theologæ Doctorali Laurea insignitus fuerit. Vir est, siue ingenium, siue memoriam, siue denique doctrinam spectes, omni maior encymio, de quo plura scriberem, nisi domesticus esset, & veritate offendere vetereret. Erunt alij, qui pleniore calamo, & eloquentia vberiore, in veraseius laudes excurrent. Vnicum hic adam testimonium, quod eidem perhibet doctissimus & clarissimus Eiycius Puteanus, Belgij nostri singulare decus, in censura libri ipsius Caramuelis, de lute Regis Hispanæ in regnum Portugalliae; quæ eidem libro præfixa, hæc (inter alia) habet: librum hunc conscriptum esse a Viro, si ingenium, doctrinam, eloquentiam spæcie, magno, eximio, ac plane diuino. Quod testimonium non parum confirmatur auctoritate Reuerendi adm. & Eximii virti Ioannis d'Elpiers S. Theol. Doctoris &c. qui in suo Stenographia specimine, de Caramuele nostro agens, eundem vocat fecundissimam Dei vineam, Vnum doctrina soliditate, & librorum copia celeberrimum, &c.

Scriptus, ediditq; plurima Dominus Caramuelius, in omni prorsus facultate, in tantum, ut iure merito, cum Magno Alano nostro de Insulis Doctoris Vniuersitatis cognomine compellati posse videatur. Seriem seu Catalogum omnium operum suorum ipse metu conscripsit & publicauit Francofurti, subiungendum Theologiae iuæ fundamentali; quem & nos hic etiam ad verbum exhibemus.

A U T H O R.

Multos Libros & varios diuerso typo & forma, prout tempora tulerunt, edidi. Multa scripsi, quæ nondum lucem vident; & posse prodeesse, videntur. Nouam omnium editionem exorno; & ne Libros separari contingat, magna illos arte & studio concutio; ita ut posteriores frequenter Lectorem ad prius remitt-

remittant, isti iterum ad illos reducant; ut omnibus
censeatur carere, qui caret aliquo. Claritas eis majoris
gratia ad novem Classes redigo, & nouem Cursus (I.
Liberalis, II. Mathematicum, III. Musicum, IV.
Chiroscopicum, V. Philosophicum, VI. Theologicum
Scholasticum, VII. Moralem Philosophicum, VIII.
Moralem Theologicum, & IX. Scripturarium) insi-
tu: & singulos ob oculos pono.

C U R S U S
L I B E R A L I S.

Omnes artes complectitur, quas ingenuus voca-
mus, omnes inertias aut artes malas expugnat;
Inter eximias precipue judicantur.

Orthologia. De variâ pronunciatione littera-
rum, vbi multis consulis nationibus, multis æ-
tatis plurima curiosa expenduntur.

Orthographia. De variis figuris literarum, quæ
in Orbe terrarum hodie apud varias nationes
sunt in uso.

Polygraphia. De transfiguratione literarum,
& earum dem potestate secerat. Est Liber sum-
mè necessarius Principibus, & ciphras multas
& valde curiosas & securas complectitur.

Steganographia. Est scientia Polygraphia no-
bilior, & ita secreto rem scribendi methodum
promovet, ut ubi maximè secretum est, nulla
ibi videatur luspicio secreti subesse. Hac arte,
ut de rebus arcans aticos admoneamus, quâ-
cumque Ciceronis aut alterius Authoris Epi-
stolam ad quemcumque mittimus, intelligi-
mur; illi ad nos aut eandem, aut aliam remit-
tunt, & intelliguntur. Hac arte ad integrum Se-
natum unicam Epistolam scribere possumus, in
quæ singuli diversa, quæ voluerimus, exactè ca-
piant, & rati non se intelligent mutuò.

Mirabilis olim fuit Joannis Trithemij Ab-
batis in ciphris inveniendis felicitas, & æquè
Biblioth. Ordinis Cister.

mira illius ævi ignorantia; condemnatur enim
à multis, à quibus intellectus non fuit. Hoc fuit
ætatis priscæ ingenium; hoc est nostræ; pauca le-
gere, pauciora intelligere, omnia aut ferè damnare. At
ante annos viginti strinx calum, & Trithe-
mum tutatus, Steganographiam, non jam
inertiæ nigromanticam, sed ingenuam & li-
beralem artem esse ostendi. Hanc nunc Apoly-
sin multum auctam exhibeo, & mirabilia arca-
na in genere literario produco.

Notaria Ars. Quantum distant Notæ à Lite-
ris explicat. Ponit Notas artificiosas, quibus
quis uti possit, ut uno solo charactere quam-
cumque dictiōnē scribat. Hic scribendi mo-
dus at huc est in usu apud Sinas, quorum ora-
nes facultates & Scientiæ videntur esse Abece-
darie, & in Regione illa doctissimi, qui melius
scribunt aut legunt. Posset ad methodum & re-
gulas reducibæ facultas, & tunc non deberet
contemni. Dum tu alias notas breviores & me-
liores efformas, meis inventis fruere, & omnia
calamo, qui lingua sit velocior, scribes.

Grammatica Hispanica. Ostendit Hispanorum
Idioma frustra hucusque ad Latini leges coa-
ctum, aliter doceri debuisse. Multa hinc Ger-
manus, Belga, Gallus, Italus, multa alii, unde
possint propriæ Linguae Institutiones refor-
mate.

Grammatica Latina. Hanc scripsi pueris no-
stris condolens septem aut novem etiam anno-
rum dispendio condemnatis. Puto formam
totius Linguae Latinæ à clari ingenii iuvene
posse horâ intelligi, & mense addisci, si istæ no-
væ Institutiones admittantur. Puto materiam
facilius adquirendam, si etiam arte tradatur.

Hispanus sum, & quia Hispanis scribo Lin-
guam Hispanam Latinæ seu Romanæ antepo-
sui, non ut de alterius utrius excellentiæ & pri-
matu contendem (de hoc enim alibi) sed, ut
ordinem doctrinalem sequutus, cum qui ma-
ternam